

續金華叢書



竹金華叢書



少室山房類藁卷六十二

續金華叢書

澱水胡應麟明瑞著

七言律詩八十首

御史大夫豫章徐公過訪

徐公方督大工而破冗過存兼以貺贈勤渥殊非所安賦謝

二律

萬戶千門闢草萊甘泉馳道拂雲開
梯航絕塞中丞績柱石明堂大
匠材鄴郡風流齊七子豐城虹色射三台
寧辭病骨鹽車下矯首長鳴郭隗臺

其二

天都翹首碧雲重粲爛軒車此日逢
廷尉高門容駟馬司空神劍合
雙龍丹旆夜闌乾坤靜絳闕晨披雨露濃
最憶登壇清興遠千篇晴色照芙蓉

唐參軍相國趙公客也以需次居積燕中戲贈茲什

三尺芙蓉照鵬鵠居然大隱帝城西懷中片玉仍依趙橐裡千金欲
擅齊紫殿衣裳雲色近青樓絃管月華低何來短簿輕相笑計日斜
封下紫泥

潞河僑居逾月媵人于首夏望前舉一女逾旬復舉一男黃燮
卿王至卿胡靜父胡穀元茅厚之過集齋頭戲作

拂曙懸弧向草萊經旬弄瓦坐莓苔雄雌敢謂雙龍出絡奕偏勞駟
馬來柳絮何時吟院落芝蘭遙夜發庭臺無嫌婚嫁催頭白九域名
山侯賦才

相國趙公命館人除舍授餐以待余適產二雛未及趨赴先此
寄懷二首

設悅懸弧僅隔旬翩翩遊屐阻風塵加餐乍慰江湖客吐哺重勞社
稷臣五岳向平先繫念三峨逸少晚留神他年嫁娶酬生事萬里相
隨叩玉宸

其二

長鋏歸來嘆夜眠黃金臺色正蒼然高懸一榻平津上驟改千門碣
石前風雨未教凌白苧乾坤何意問朱絃無勞大厦歌寒素柱石明
堂四海傳

王貞伯總戎曹能始計部偕僚屬並遊胡氏園亭昏黑言旋二
君更衣拉余痛飲申旦時張中尊爲主人

急管繁絃興入雲新歌妙舞送斜曛花間乍別鴛鴦序竹裏重呼鸛
鶴羣飛蓋陳思元結客抽毫王粲舊從軍無論夙昔司空珮永夜雙
龍合斗文

飲王茂才園亭戲作

碧天翹首暮雲流笑揖雙龍問斗牛賦就轉深司馬渴詩成不散杜
陵愁千春海岱留高迹萬事乾坤託遠遊大白滿斟花滿座姮娥今
夜宿南樓

壽相國趙公二首

突兀平津見老臣天容黃髮佐金輪八荒壽域開玄圃三殿祥光接

紫宸操管異時符鸞鷟懸弧當日兆麒麟亦知竹素流千載一頌聊同四海人

其二

綺閣晨開玳瑁筵東華金醴百壺懸周流花甲仍三五迢遞椿齡尙八千紫氣正留函谷外丹心猶照渭濱前他年無棣分封廣玉帛虛勞大海傳

長安逢吳允兆賦贈

布被芒鞋易水遊相逢頻典鸛鷀裘論交宇宙誰青眼握手河山共白頭上座飛譚廻九列後車傳食遍諸侯他時叱石金華頂遲汝同登十二樓

同允兆夜譚作

殘燈遙夜話飛蓬慷慨燕歌照白虹青海未停東伐騎黃河猶滯北歸鴻毫端秀色三都並筑畔雄心萬古同一笑鍾期絃絕後高山重拭舊絲桐

過王中翰奕棋作

清簾疎簾照綠莎
匡牀曲几對維摩
庭中白晝銷碁局
席上青山爛斧柯
賭郡宣城知得否
連營淝水定如何
無愁晚色催歸騎
大有銀蟾絳闕過

答東阿張明府肅仲時肅仲遠命書貺物色余長安風塵中不遇幾返胡孟弼特爲致之感而賦答并似孟弼

屐齒蒼茫破綠苔
飛緘雲色滿蓬萊
應憐疋馬齊東駐
敢望雙鴻代北來
遙夜石函干斗氣
異時金鏡補天才
何當一別荆高筑
抵掌華陽百尺臺

送章行父之景州

五載玄亭憶問奇
秋風晨起出關時
天涯客況誰青眼
海岱人倫見白眉
一水移舟燕月墮
千峯搖筆岱雲馳
銅駝陌上花如錦
大有山公醉接巖

贈翁少府

新樣春衫白苧裁，翩翩遊騎近蓬萊。桃花尙狎潘郎貌，蓮幕曾傾庾尉才。豈爲鱸魚還越郡，仍驅駟馬入燕臺。當壚漫奏文君曲，夾座紅粧映綠苔。

訪李汝藩獄中作

貫日長虹暮色凝，淋漓杯酒頌如渥。含悽小吏呵周勃，雪涕中郎和李陵。書就圍扉腸拂鬱，劍埋深獄氣踈騰。文皇每飯思飛將，荏苒金鷄下玉繩。

王行父授官上林賦東

行父久需次，不調忽以是月拜上林喜而賦此

五載緇衣徧洛塵，明光晴日拜絲綸。唐宮全樹依官舍，漢苑飛花接帝宸。玉陛含香春縹緲，金門持戟夜沉淪。入川向背分流處，能憶當時奏賦人。

送徐大司空還豫章時俞美長挈家附公樓舩南返

掛冠神武思飛揚，揮手浮雲入座傍。劍擁霜華辭碣石，帆飛風色過

潯陽天高自許葵心赤地近初逢菊蕊黃漫逐美門瀛海去宗臣勞
勩在明堂

寄李長史

修竹參差映夾池十年歸夢阻江離曳裾漢殿春風蚤飛蓋梁園夜
月遲七發盛傳才子調四愁偏失美人期唾壺歌曲英雄老憔悴青
衫易水湄

送宋少府之南康

一葉秋風度薊臺爭傳飛檄下蓬萊雲收函谷青牛去霧擁匡山白
鹿來帝惜楊雄甘吏隱人占梅福是仙才香爐紫氣三千仞爲掃題
名舊綠苔

送范參軍之白下

藉甚參軍鮑照賢攜書遙赴秣陵船清江桃葉懷人夜淶水蓮花作
吏年大府旌旗朝讌合高門袍笏晝遊旋崢嶸鳩鵲金波麗賦就先
從洛下傳

中秋同允兆諸子集趙相國第玩月二首

靜夜匡牀拂斗牛，天街涼月湧青虬。
銀窺帝釋三千界，玉倚仙人十二樓。
墜露迴霑長樂夢，飛雲旋逐廣陵遊。
淋漓桂醕黃封在一洗，都門萬斛愁。

吐握平津近帝閭，鹽梅佳節許同論。
蒲萄漢殿馳中使，薏苡燕臺出上尊。
玉笛飛霜連四野，金莖零落滿千門。
霓裳陣陣天風落，猶記嫦娥一笑溫。

林岡卿過訪作

一別錢塘夢未迴，朱明雲色幾含杯。
旌移合浦風前葉，傳擁羅浮雪後梅。
建禮含香清蹕近，甘泉司僕紫泥催。
三千駉牝馳金埒，倘許飛黃託乘陪。

查少參入賀賦贈

獻賦當時共洛陽，翩翩裘馬少年場。
追思文考朱顏麗，轉愧安仁白髮長。
暮雨軒車留碣石，秋風船舫隔錢塘。
金銀四百湖堤寺，悵望遙

天菊蕊黃

送斯惟武之塞上

惟武余郡人負奇氣逸才與李允達善以尺牘干言謁余

河東裁就筆生花聊逐秋風問漢查
身著短衣隨屬國手提長戟事輕車
千言謁帝心逾壯一賦從軍髯已華
奇績賀蘭峯頂望萬山明月照胡沙

贈鄧參軍明府遠遊尊人蚤歲棄官隱匡岳

手板那能謁路傍扁舟歸興逐潯陽
參軍不戀芙蓉幕仙尉偏宜薜荔裳
釣倚宮亭明月近樵穿廬岳亂雲長
誰言玉樹堦除畔百尺峩峩在廟廊

送鄭明府之山東

百里絃歌遍訟堂銅符墨綬正飛揚
橋迎駟馬過平樂舄化雙鳬到上陽
汝水星芒流劍匣齊山雲色墮琴牀
看君異日循良宴第一雄飛漢殿傍

送鄧遠遊令浦江

九月西風木葉黃才人初釋芟荷裳無論白雪誇金馬聊爲丹砂問
石羊縹緲孤查凌大澤聯翩雙鳥度長楊江城咫尺絃歌起桃李新
陰匝訟堂

送鄧遠遊之浦陽時將以便道歸匡廬爲太公壽

黃金臺下騁驊騮又見栽花大海頭倚匡廬新白鹿關停函谷舊
青牛三都賦在驚玄晏八咏篇成和隱侯溪上秋蘭吾舊宅一觴行
爲澱紋留

送張博士

賦就河東絳闕傳一官行李尙寒氈青衫乍脫燕城下彩筆仍飛越
嶠前去日雲霄偕雁序到時星斗動龍泉捫趨咫尺南宮近莫滯侯
生問字船

送張仲蔚之慶源

河橋尊酒醉還醒惆悵離歌薄暮聽五夜芙蓉雙劍紫萬山桃李一
氈青何人帝里酬春雪有客仙都問歲星計日子虛天尺五生徒猶

誦太玄經

送陳座師之嶺右

除書初下玉宸班
詔遣詞臣諭百蠻
一棹鬱林先訪石
雙旌梨嶺盡穿山
風雲絕域聊乘障
雨露明堂欲賜環
花底刺桐春萬樹
七星巖洞並誰攀

輓吳別駕

藉藉賢聲動草萊
翩翩半刺未塵埃
三臺總擅功曹績
八郡同推別駕才
易水佩刀殘月墮
天都歸櫬斷雲哀
無嗟司法吳郎逝
鉅筆曾煩杜甫裁

題管建初紫宸宣對冊

五彩毫揮白練裙
紫宸前殿召偏勤
百篇留宴唐供奉
三絕親題鄭廣文
斗色已看龍劍耀
家聲重詫鳳毛聞
長安多少擔簦客
咫尺何人覲五雲

送萬伯修中丞之朝鮮四首

少室山房錄卷之十二
鵠印朝從漢殿懸歡聲雲擁薊門前休戈隴坂屯田日伐鼓漁陽出
塞年結客威名馳豹尾封侯消息到龍泉胡牀不厭王猷傲爛熳梅
花笛裏傳

其二

甘泉初錫紫貂裘劍色飛揚射斗牛定遠侯封天北極受降城築海
東頭連營甲冑分丹轂擁道旌旗照碧油道是征西唵興劇月華遙
夜滿南樓

其三

萬斛餘皇照叵羅清江鴨綠笑顏酡山西上將能橫槊塞北名王盡
倒戈露布夜除玄菟壘霜笳晴擁白狼河金閨漫作遼陽夢一戰燕
然石已磨

其四

輝煌珠履將壇從奕葉金貂帝眷濃座上短衣容薜荔尊前長鋏叩
芙蓉扶桑日出消千蜃細柳天迴駐六龍可念茂陵詞賦客當壚憔悴

悴謁臨邛

答張孝廉

貂裘垂敝尙遊梁欲挽鹽車上太行劍擁石函龍闕下毫揮金鏡鳳
墀傍中山麴米澆愁盡大庾梅花入夢長道是妝臺饒錦瑟佳期晨
夕按霓裳

與黃山人舜夫別三十年絕不相聞問忽道遇于長安青燈話
舊不勝今昔之感卽席賦此

把袂風前各愴神青燈明滅潞河濱三生恍覩前朝客萬死驚逢絕
域人寂寞未妨龍劍老飛揚猶喜鳳毛新同聲咫尺荆高在散髮狂
歌傍紫宸

少林浮屠秋溟行脚都下以姑布術持卷乞題賦贈

代

麻衣道者術親傳石室瑤編豈偶然一鉢舊攜中岳頂雙燈今續大
瀉前封侯定遠寧無骨入相剛成且問年愧我黃扉頭白蚤丹青行
辟四門賢

寄王新建世叔并詢黃山人

小隊尋花易水傍
元戎旌節乍徜徉
千檣楚塞飛葭菼
萬斛吳都下稻梁
赤管頻年貽上國
玄圭他日告明堂
翩翩門客饒朱履
喜怒惟應共郅郎

夜過鄧遠遊劇譚申旦先是遠遊賦五言八律見贈屬余病冗未報茲當握別援筆近體四章付遠遊小史歌之

落木蕭蕭夜過從
青燈明滅照芙蓉
橐鞬驟覺中原盡
旗鼓俄驚上國逢
霧擁雙龍懸碣石
風馳駟馬到臨邛
他時廣樂鈞天奏
莫忘齋頭舊雨濃

其二

乍釋青衫賦遠遊
翩翩文彩跨登樓
躊躇易水新交定
蕩落夷門故老留
寸管乾坤才欲盡
雙燈湖海話難酬
無論一盞傾如故
已訂詞盟到白頭

其三

面壁傳衣事已陳孤雲寥落傍風塵青萍萬里長爲客彩筆三朝未
授人把臂壚頭傾海岱持螯天末動星辰何辭大白終宵醉話入如
澠對愴神

其四

擁坐黃花照別筵西風無賴木蘭船千人楚國廻高倡一士成都抱
太玄叔度經旬貪晤語淵源少日慰周旋那能驟割新知與極目河
橋思惘然

寄贈項觀察二首

幕擁青油坐綠苔高牙三輔近蓬萊函關吏識終軍貌宣室神占大
傅才雪地呼鷹廻樂堡霜天馳馬赫連臺誰言帥府多袁伏露布千
篇屬手裁

其二

片語雞林百鎰傳何人不慕項斯賢飛揚北府談兵夜磊落南宮謁
帝年絕塞雄風迴白羽長空明月墮朱絃高門倘記登龍客一借胡